

Na osnovu člana 10. i 12. Zakona o udruženjima i fondacijama Bosne i Hercegovine („Službeni glasnik BiH“, br. 32/01, 42/03, 63/08 i 76/11) i člana 20. Statuta Biciklističkog saveza Bosne i Hercegovine, Skupština na sjednici održanoj **dana 30.10.2014.** godine **u Banja Luci**, donosi:

## S T A T U T

### BICIKLISTIČKOG SAVEZA BOSNE I HERCEGOVINE

#### I OPŠTE ODREDBE

##### Član 1.

BICIKLISTIČKI SAVEZ BOSNE I HERCEGOVINE (u daljem tekstu: Savez) je Savez koji je registrovan kod Ministarstva pravde Bosne i Hercegovine, u skladu sa Zakonom o udruženjima i fondacijama Bosne i Hercegovine i Zakonom o sportu u Bosni i Hercegovini.

Savez je osnovan na određeno vrijeme do ispunjavanja uslova iz člana 22. stav 3, Zakona o sportu u Bosni i Hercegovini.

##### Član 2.

Ovim Statutom u skladu sa članom 12. Zakona o udruženjima i fondacijama Bosne i Hercegovine (u daljem tekstu: Zakon), uređuje se:

- Naziv Saveza, skraćeni naziv i sjedište Saveza;
- Ciljevi i djelatnosti Saveza;
- Postupak za primanje i isključivanje članova;
- organi Saveza, način na koji se biraju, ovlaštenja koja imaju, kvorum i pravila glasanja, trajanje mandata, osobu ovlaštenu da sazove Skupštinu, uslove i način raspuštanja, odnosno prestanak rada;
- opis, oblik i sadržaj pečata i znaka Saveza;
- Pravila za ostvarivanje, upotrebu i raspolaganje sredstvima Saveza, kao i tijelo koje je ovlašteno za nadzor nad upotrebom tih sredstava;
- Javnost rada Saveza;
- Postupak za izmjenu i dopunu Statuta, ovlaštenje i način donošenja drugih općih akata;
- zastupanje Saveza;
- način podnošenja finansijskog izvještaja i izvještaja o radu Saveza;
- uslove i postupak za spajanje, podjelu odnosno prestanak rada Saveza, uključujući i bilo kakav poseban kvorum ili pravila za postizanje kvalifikovane većine u postupku glasanja;
- postupak za raspolaganje preostalom imovinom ili drugim sredstvima u slučaju raspuštanja ili prestanka rada Saveza;
- druga pitanja od značaja za organizovanje rada Saveza.

### **Član 3.**

Savez je sportska, nevladina, nestranačka i nepolitična organizacija, osnovana u cilju unapređenja i razvoja biciklističkog sporta u Bosni i Hercegovini, u skladu sa Zakonom, Zakonom o sportu u Bosni i Hercegovini i ovim Statutom.

### **Član 4.**

Savez ima pravo i slobodu da se udružuje i sarađuje sa međunarodnom organizacijom: Union Cycliste Internationale (UCI) .

Savez je član Olimpijskog komiteta Bosne i Hercegovine.

### **Član 5.**

Savez ima svojstvo pravnog lica.

Savez u pravnom prometu nastupa samostalno i u svoje ime i u okviru svojih pravnih mogućnosti će obavljati pravne poslove. Za obaveze preuzete u pravnom prometu Savez odgovara svojom cjelokupnom imovinom (potpuna odgovornost).

### **Član 6.**

## **II NAZIV, SJEDIŠTE I PODRUČJE DJELOVANJA SAVEZA**

Puni naziv Saveza je:

- Biciklistički savez Bosne i Hercegovine
- Бициклистички савез Босне и Херцеговине
- Biciklistički savez Bosne i Hercegovine

Skraćeni naziv saveza je:

- BISA BIH,
- БИСА БИХ,
- BISA BIH,

Savez ima naziv na engleskom jeziku koji glasi:

Puni naziv Saveza na engleskom jeziku glasi:

- Cycling Federation of Bosnia and Herzegovina

Savez djeluje na području Bosne i Hercegovine.

Sjedište Saveza je u Banja Luci, ulica Simeuna Đaka broj 9.

### **III OPIS OBLIKA I SADRŽAJ PEČATA I ZNAKA SAVEZA**

#### **Član 7.**

Pečat Saveza je okruglog oblika prečnika 30 mm sa ispisanim tekstom naziva Saveza na latinićnom i ciriličnom pismu: Biciklistički savez Bosne i Hercegovine, Бициклистички савез Босне и Херцеговине, a u sredini se nalazi sjedište Saveza: Banja Luka, Бања Лука i znak Saveza.

Savez može imati i više pečata, s tim što svaki mora biti numerisan brojevima. Za čuvanje i upotrebu pečata ovlašten je predsjednik Saveza.

Savez ima svoj znak. Znak Saveza je stilizovani biciklista plave boje unutar kojeg se nalaze zvjezdice bijele boje.

Savez ima i svoj štambilj koji je pravougaonog oblika, dimenzija 50x25 mm, i sadrži puni naziv Saveza Biciklistički savez Bosne i Hercegovine, kao i prostor za upisivanje broja i datuma.

#### **Član 8.**

Članovi Saveza imaju i obavezu da se u svom radu naročito pridržavaju načela ravnopravnosti, sportske etike, zakonitosti i jedinstvenosti u radu Saveza.

Entitetski, Kantonalni, gradski, opštinski nivoi biciklističkog sporta u Bosni i Hercegovini trebaju usaglasiti Statute sa Statutom Biciklističkog saveza Bosne i Hercegovine.

### **IV CILJEVI I DJELATNOSTI SAVEZA**

#### **Član 9.**

Ciljevi i djelatnosti Saveza su:

- organiziranje i sprovođenje sistema takmičenja;
- zastupanje i predstavljanje sporta u međunarodnim sportskim organizacijama;
- pripremanje i nastupanje državnih reprezentacija na zvaničnim međunarodnim takmičenjima;
- utvrđivanje programa razvoja u skladu sa Strategijom;
- saradnja sa nadležnim sportskim i drugim organima Bosne i Hercegovine;
- izdavanje publikacija u svrhu ostvarivanja djelatnosti Saveza, u skladu sa Zakonom

## **Član 10.**

Ciljevi i djelatnosti Saveza obavljaju se na način utvrđen ovim Statutom.

Za obavljanje djelatnosti iz člana 9. ovog Statuta, Savez može imati podružnice ili druge organizacione oblike izvan sjedišta, na cijelom području Bosne i Hercegovine, a koje nemaju svojstvo pravnog lica.

## **V POSTUPAK ZA PRIMANJE I ISKLJUČIVANJE ČLANOVA**

### **Član 11.**

Svojstvo člana Saveza može steći svako fizičko lice državljanin Bosne i Hercegovine, kao i strano fizičko lice koje ima odobren boravak u Bosni i Hercegovini, koje želi da se bavi biciklističkim sportom, i koja prihvataju Statut i ciljeve i djelatnosti Saveza.

Članom Saveza mogu postati sva pravna lica-savezi i klubovi koji su registrovani kod nadležnih organa za obavljanje biciklističkog sporta u Bosni i Hercegovini, u skladu sa posebnim Zakonom.

Članstvo u Savezu je dobrovoljno.

Članovi Saveza mogu biti:

- Redovni
- Pridruženi
- Počasni

Redovni članovi Saveza su lica iz stava 1. i 2. ovog člana.

Odluku o prijemu novih članova donosi Skupština Saveza.

Redovni članovi potpisuju izjavu o prihvatanju Statuta i ciljeva i djelatnosti Saveza.

Pridruženi članovi pristupaju Savezu radi sudjelovanja u realizaciji ciljeva i djelatnosti Saveza.

Počasni članovi su lica koja materijalno ili na drugi način pomažu rad Saveza bez prava glasa.

Počasni članovi mogu učestvovati u radu Saveza savjetodavnom funkcijom.

Počasni članovi mogu biti domaća i strana fizička lica i pravna lica registrovana na teritoriju Bosne i Hercegovine, u skladu sa Zakonom.

Naziv počasnog člana dodjeljuje Skupština na prijedlog Upravnog odbora.

Savez vodi spisak članova Saveza.

## **Član 12.**

Članovi Saveza imaju prava da:

- preko svojih predstavnika aktivno učestvuju u radu i odlučivanju u svim organima i radnim tijelima Saveza;
- njihovi predstavnici biraju i budu birani u organe i radna tijela Saveza;
- aktivno učestvuju u utvrđivanju programa i plana rada Saveza i njihovoj realizaciji;
- ostvaruju uvid u rad Saveza, pokreću akcije, predlažu i preuzimaju mјere za ostvarivanje ciljeva i djelatnosti i programa rada Saveza;
- ostvaruju zaštitu svojih prava.

## **Član 13.**

Članovi saveza su obavezni da:

- poštju odredbe Statuta, ciljeve i djelatnosti i druga opšta akta Saveza;
- međusobno saradju radi ostvarivanja ciljeva i djelatnosti utvrđenih Statutom, drugim aktima Saveza i odlukama njegovih organa;
- aktivno učestvuju u obezbjeđenju realizacije usvojenih programa i planova Saveza i drugih obaveza od interesa za biciklistički sport;
- učestvuju u stručnim aktivnostima Saveza;
- plačaju članiru.

Članstvo u Savezu prestaje:

- dobrovoljnim istupanjem iz Saveza;
- isključenjem iz Saveza;
- prestankom svojstva pravnog lica;
- prestankom rada Saveza;

## **Član 14.**

Svaki član Saveza može dobrovoljno istupiti iz Saveza na osnovu pismene izjave o istupanju koju dostavlja Upravnom odboru Saveza. O uslovima i načinu prestanka članstva odlučuje Skupština Saveza.

## **Član 15.**

Član Saveza koji grubo krši Statut Saveza, ne izvršava svoje obaveze prema Savezu ili svojim postupcima nanosi štetu Savezu ili narušava njegov ugled, može biti isključen iz Saveza. Odluku o prestanku članstva u Savezu donosi Upravni odbor Saveza.

## **Član 16.**

Član koji je nezadovoljan odlukom iz prethodnog člana, može uložiti prigovor Skupštini Saveza u roku od 15 dana od dana prijema obavijesti.

Odluka Skupštine po žalbi je konačna.

Svaki član Saveza može pokrenuti postupak pred nadležnim sudom za utvrđivanje ništavosti opštег akta Saveza koji je donijet suprotno odredbama Statuta ili drugog općeg akta Saveza, a najkasnije u roku od šest mjeseci od dana donošenja tog akta.

## **VI ORGANI SAVEZA, NAČIN NA KOJI SE BIRAJU, OVLAŠTENJA KOJA IMAJU, KVORUM I PRAVILA GLASANJA, TRAJANJE MANDATA, OSOBA OVLAŠTENA DA SAZOVE SKUPŠTINU, USLOVE I NAČIN RASPUŠTANJA, ODNOSENOST PRESTANAK RADA**

## **Član 17.**

Organi Saveza su:

1. Skupština,
2. Upravni odbor,
3. Nadzorni odbor,
4. Predsjednik Saveza, i
5. Generalni sekretar.

Savez može na način kojim donosi vlastite odluke obrazovati i druge organe i tijela sa kojima se doprinosi efikasnijim i racionalnijem radu Saveza.

Odluku iz prethodnog stava ovog člana donosi Upravni odbor Saveza, uz saglasnost Skupštine Saveza.

Upravni odbor Saveza ne može donositi odluke o formiranju novih organa koji su u nadležnosti Skupštine ali može tijela ili komisije koje bi poboljšale rad Saveza.

## **1. S K U P Š T I N A**

## **Član 18.**

Skupština Saveza (u daljem tekstu Skupština) je najviši organ Saveza.

Skupštinu čine delegati, delegirani od svakog redovnog člana Saveza, a koji imaju jednaka prava glasa.

Redovni članovi Saveza delegiraju po jednog delegata u Skupštinu Saveza.

Pravo na delegiranje dva delegata u Skupštinu Saveza imaju redovni članovi Saveza, ako ispunjavaju najmanje dva od sljedećih uvjeta:

- da je u prethodne dvije natjecateljske sezone organizirao najmanje jedno domaće ili međunarodno biciklističko takmičenje utvrđeno takmičarskim kalendarom Saveza;
- da je u prošloj godini imao više od 10 licenciranih takmičara, i
- da je u prošloj godini imao minimalno 7 licenciranih aktivnih takmičara (minimalno na 70 % utrka).

Bliži uslovi, način rada i izbora delegata u Skupštinu Saveza, utvrđuje se Poslovnikom o radu Skupštine Saveza.

Radom Skupštine rukovodi predsjednik Skupštine, kojeg bira i razrješava Skupština.

Mandat predsjednika Skupštine traje četiri godine s pravom ponovnog izbora.

### **Član 19.**

Skupština može biti: redovna, vanredna i izborna.

Redovna Skupština se saziva najmanje jedan put godišnje.

Vanredna Skupština se saziva se iznimno, u slučaju vanrednih potreba.

Izborna Skupština se održava svake četiri godine.

### **Član 20.**

Skupštinu saziva predsjednik Skupštine, najkasnije 15 dana prije njenog zasjedanja.

Predsjednik Skupštine je dužan sazvati vanrednu Skupštinu u slučaju kada to zahtjeva najmanje 1/3 članova Skupštine ili kada to traži Upravni odbor Saveza.

Ako predsjednik Skupštine ne sazove Skupštinu u roku od 30 dana u slučajevima iz prethodnog stava, odluku o sazivanju Skupštine donijet će predlagач.

### **Član 21.**

Skupština radi i odlučuje u skladu sa Statutom i poslovnikom o radu.

Kvorum za održavanje Skupštine je nadpolovična većina svih članova Skupštine.

Skupština donosi odluke nadpolovičnom većinom svih prisutnih članova Skupštine.

Na sjednici Skupštine vodi se zapisnik, u koji se unose osnovni podaci o radu Skupštine, a naročito donesene odluke, zaključci i podaci o glasanju.

Način rada Skupštine i druga pitanja iz njenog djelokruga bliže se regulišu Poslovnikom o radu Skupštine.

## **Član 22.**

Odluke Skupštine se donose javnim glasanjem, a samo izuzetno tajnim glasanjem.

Skupština radi i odlučuje u skladu sa Statutom i Poslovnikom o radu.

Skupština bira zapisničara na početku rada sjednice koji vodi zapisnik.

Zapisnik mora da odražava bitan tok rada i suštinu svih odluka i stavova Skupštine.

## **Član 23.**

Odluke o spajanju, podjeli ili prestanku rada Saveza, Skupština donosi 2/3 većinom glasova svih članova skupštine.

## **Član 24.**

Predsjednik Skupštine:

- stara se o organizovanju Skupštine i saziva njene sjednice;
- predlaže dnevni red sjednice;
- predsjedava sjednicama Skupštine;
- potpisuje akte donesene na Skupštini;
- stara se o izvršavanju odluka, zaključaka i drugih akata Skupštine;
- koordinira rad organa i tijela Skupštine;
- vrši i druge poslove koje mu odredi Skupština u skladu sa Zakonom i ovim Statutom.

## **Član 25.**

Skupština, kao najviši organ Saveza ima ovlaštenja da:

- donosi, izmjene i dopune Statuta Saveza i druge akte određene ovim Statutom;
- donosi program rada Saveza i osnovne smjernice razvoja biciklističkog sporta u BiH;
- razmatra i odobrava finansijske planove i izvještaje o finansijskom poslovanju Saveza;
- donosi godišnje i srednjoročne planove Saveza;
- razmatra i odobrava izvještaje o radu organa Saveza;
- bira razrješava predsjednika Skupštine Saveza, članove Upravnog odbora, Nadzornog odbora i predsjednika Saveza;
- imenuje i razrješava lica ovlaštena za zastupanje Saveza;
- razmatra i usvaja izvještaje koje podnose Upravni odbor i Nadzorni odbor Saveza;
- donosi odluku o promjeni naziva, sjedišta i znaka Saveza;
- donosi odluku o spajanju, podjeli i prestanku rada Saveza;
- usvaja, mijenja Poslovnik o radu Skupštine Saveza;
- donosi odluke o sistemu takmičenja na nivou Bosne i Hercegovine i nižim nivoima;

- donosi odluku o prijemu novih članova u Savez, u skladu sa Zakonom;
- odlučuje o visini i načinu plaćanja kotizacije;
- donosi Poslovnik o radu Skupštine Saveza;
- donosi odluke po žalbama članova Saveza u drugom stepenu;
- donosi odluku o prestanku rada Saveza i raspodjeli preostale imovine nakon raspuštanja Saveza;
- obavlja i druge poslove koji nisu u nadležnosti drugih organa Saveza u skladu sa Zakonom, ovim Statutom i drugim aktima Saveza.

## **2. UPRAVNI ODBOR**

### **Član 26.**

Upravni odbor Saveza je izvršni organ Saveza i za svoj rad odgovara Skupštini. Upravni odbor Saveza čini devet (9) članova. Upravni odbor Saveza ima:

- Predsjednika
- dva podpredsjednika, i
- šest (6) članova.

Predsjednik i dva podpredsjednika Upravnog odbora su ujedno i predsjednik i podpredsjednici Saveza.

### **Član 27.**

Upravni odbor bira i razrješava Skupština na mandat od četiri godine sa mogućnošću reizbora. Radu Upravnog odbora prisustvuje generalni sekretar, bez prava glasa.

### **Član 28.**

Upravni odbor radi na sjednicama, u skladu sa Poslovnikom o radu. Upravni odbor se sastaje po potrebi, a najmanje jednom u tri (3) mjeseca. Sjednicom Upravnog odbora predsjedava Predsjednik, a u slučaju spriječenosti predsjedava jedan od dva podpredsjednika ili lice koga Predsjednik pismeno ovlasti.

Kvorum za održavanje sjednice Upravnog odbora je nadpolovična većina svih članova Upravnog odbora.

Upravni odbor donosi odluke nadpolovičnom većinom prisutnih članova Upravnog odbora.

Pored članova Upravnog odbora, sjednicama mogu prisustvovati i druge osobe koje su vezane za realizaciju određenih zadataka, ali bez prava odlučivanja. Članovi Upravnog odbora imaju jednak prava, dužnosti i odgovornosti u radu Upravnog odbora.

### **Član 29.**

Članovi Upravnog odbora Saveza mogu biti razrješeni dužnosti i prije isteka mandata ukoliko:

- po sopstvenoj želji zatraže zamjenu ili podnesu pismenu ostavku uslijed bilo kojih razloga;
- ako ne dođu na sjednicu tri puta uzastopno, bez opravdanih razloga;
- ako svojim radnjama u vezi sa radom Upravnog odbora ruše ugled Saveza;
- u drugim slučajevima predviđenim Zakonom, ovim Statutom i aktima Saveza.

### **Član 30.**

Predsjednik Upravnog odbora:

- saziva sjednice Upravnog odbora samoinicijativno ili na zahtjev najmanje jedne trećine članova Upravnog odbora i rukovodi njenim radom;
- stara se o provođenju programa rada, odluka, zaključaka i smjernica Skupštine;
- stara se o provođenju plana rada Upravnog odbora;
- sačinjava godišnji i polugodišnji izvještaj o svom radu i podnosei ga Upravnom odboru na razmatranje i usvajanje;
- potpisuje akte koje donosi Upravni odbor;
- održava stalne kontakte sa javnošću i promovira ciljeve i djelatnosti Saveza;
- vrši i druge poslove koje mu odredi Skupština i Upravni odbor Saveza.

### **Član 31.**

Upravni odbor obavlja sljedeće poslove:

- Priprema sjednice Skupštine;
- priprema i predlaže nacrt promjena Statuta i drugih opštih akata, koje donosi Skupština Saveza;
- Provodi poslovnu politiku, zaključke i druge odluke koje je donjela Skupština;
- upravlja imovinom Saveza;
- podnosi godišnji ili periodični izvještaj o radu Skupštini Saveza na usvajanje;
- obezbjeđuje provođenje Statuta i drugih opštih akata Saveza i odluka Skupštine;
- utvrđuje prijedloge godišnjih i srednjoročnih programa rada i finansijskih planova;
- koordinira rad i razvija saradnju sa drugim organizacijama radi uspješnog ostvarivanja rada Saveza;
- razmatra i rješava žalbe članova u prvom stepenu;
- prati provedbu finansijskog plana i donosi odluke o upotrebi sredstava;
- priprema izvještaje, analize, informacije i druge materijale za Skupštinu;
- donosi poslovnik o svom radu, radu komisija i drugih tijela;
- određuje naredbodavca i utvrđuje ovlaštenja za finansijsko poslovanje;
- utvrđuje politiku međunarodne sportske saradnje i program međunarodnih takmičenja;
- donosi pravilnik Saveza o disciplinskoj i materijalnoj odgovornosti;
- odlučuje o organizaciji i načinu obavljanja stručnih i administrativno-tehničkih poslova za potrebe saveza;

- osniva stalna i povremena radna tijela-komisije, odbore, imenuje i razješava njihove predsjednike i članove i potvrđuje im programe rada;
- razmatra izvještaje o radu stalnih i povremenih radnih tijela;
- bira i razrješava generalnog sekretara Saveza;
- bira i razrješava Direktore reprezentacija;
- bira i razriješava Selektore, trenere i drugo stručno osoblje;
- utvrđuje programe i planove saveza;
- donosi Pravila i propozicije organizovanja i provođenja prvenstvenih takmičenja Saveza;
- utvrđuje kalendar i odlučuje o mjestima održavanja državnih biciklističkih prvenstava i međunarodnih takmičenja i njihovim organizatorima;
- donosi Poslovnik o radu Upravnog odbora Saveza;
- daje tumačenja opštih akata Saveza;
- organizuje nastupe reprezentacija i utvrđuje kalendar takmičenja;
- donosi oduke za službena putovanja u zemlji i inostranstvu za reprezentaciju i vodstvo puta, te priprema i podnosi izvještaj o svom radu;
- donosi normativna akta iz svoje nadležnosti;
- potvrđuje liste sudaca, delegata, kontrolora koje su predložile nadležne komisije;
- certificira biciklističke sportske menadžere;
- obavlja i druge poslove u skladu sa Zakonom i ovim Statutom ili ukoliko mu to odredi Skupština Saveza.

### **Član 32.**

Upravni odbor radi svog operativnijeg i racionalnijeg rada bira svoja radna tijela - komisije i to :

- stručna i edukacijska komisija,
- komisija za takmičenja, sigurnost i tehnička pitanja,
- komisija za sudije i suđenje,
- komisija za sportsku medicinu,
- komisija za drumski biciklizam,
- komisija za brdski biciklizam,
- komisija za down hill biciklizam,
- komisija za BMX biciklizam
- statutarno pravna, arbitražna i disciplinska komisija,
- registraciona komisija za registraciju, status takmičara i transfer,
- komisija za finansije, medije, marketing i TV.

Broj članova u naprijed navedenim komisijama regulisat će se posebnim Pravilnikom kojeg donosi Upravni odbor saveza.

Upravni odbor može po potrebi osnovati ad hoc (privremena) radna tijela radi rješavanja posebnih pitanja na određeni vremenski period. On određuje i sastav i definira odgovarajuća prava i dužnosti.

### **3. NADZORNI ODBOR**

#### **Član 33.**

Nadzorni odbor kontrolira finansijsko poslovanje Saveza i o uočenim nepravilnostima bez odlaganja izvještava Upravni odbor.

Nadzorni odbor dužan je upozoriti na nepravilan rad organa Saveza, na propuste u primjeni odredaba Statuta te na nezakonito i nemamjensko trošenje sredstava Saveza.

Nadzorni odbor dužan je prema potrebi, a najmanje jedanput godišnje, pregledati finansijsko-materijalno poslovanje Saveza. O svom radu Nadzorni odbor izvještava Upravni odbor i Skupštinu Saveza najmanje jedanput godišnje.

Svi organi Saveza dužni su Nadzornom odboru davati podatke, omogućiti mu uvid u dokumentaciju i druge podatke koje zatraži te ga izvijestiti o tome šta su učinili u vezi s njegovim nalazima i prijedlozima.

#### **Član 34.**

Članove Nadzornog odbora bira Skupština Saveza.

Nadzorni odbor ima tri člana, predsjednika i dva člana.

Mandat članovima Nadzornog odbora je četiri godine sa mogućnošću reizbora.

Sjednice Nadzornog odbora održavaju se prema potrebi pod predsjedavanjem predsjednika Nadzornog odbora.

Sjednice Nadzornog odbora saziva predsjednik Nadzornog odbora sam ili na zahtjev predsjednika Upravnog odbora Saveza ili pojedinog člana Nadzornog odbora.

### **4. PREDSJEDNIK SAVEZA**

#### **Član 35.**

Savez ima predsjednika Saveza, kojeg bira i razrješava Skupština na mandatni period od četiri (4) godine, sa mogućnošću reizbora.

Predsjednik je za svoj rad odgovoran Skupštini.

#### **Član 36.**

Predsjednik Saveza imaju sljedeća prava i dužnosti:

- zastupa Savez u pravnom prometu;
- rukovodi radom Saveza i organizira njegov rad;
- odgovoran je za zakonitost rada Saveza;

- odlučuje o upotrebi sredstava za realizaciju ciljeva Saveza;
- naredbodavac je u izvršenju finansijskog plana;
- stara se o izvršenju odluka, zadatka i zaključaka Skupštine;
- nastupa u ime Saveza u odnosima sa trećim licima;
- podnosi izvještaj o radu Skupštini i Upravnom odboru;
- priprema i predlaže nacrt budžeta za rad Saveza, Upravnog odbora i Skupštine;
- stara se o pravilnom korištenju imovine Saveza, o urednom obavljanju materijalo finansijskog poslovanja, zakonitom i blagovremenom vršenju stručnih i administrativnih poslova;
- koordinira rad organa i tijela i donosi odluke o pitanjima o radu Saveza, osim onih koji su u isključivoj nadležnosti Skupštine i Upravnog odbora;
- obavlja i druge poslove koje mu je povjerila Skupština.

U slučaju odsutnosti predsjednika Saveza, sve poslove iz prethodnog stava obavljati će jedan od dva podpredsjednika Saveza, uz pismenu saglasnost predsjednika Saveza.

Predsjednik Saveza je ujedno i predsjednik Upravnog odbora Saveza.

Predsjednik može biti opozvan i prije isteka vremena na koji je izabran i to:

- na sopstveni zahtjev;
- ako ne obavlja pravilno poslove predsjednika Saveza,
- ako svojim radnjama nanosi i ruši ugled Saveza, i
- drugim slučajevima predviđenim Zakonom, ovim Statutom i aktima Saveza.

## **5. GENERALNI SEKRETAR**

### **Član 37.**

Savez ima generalnog sekretara kojeg imenuje i razrješava Upravni odbor Saveza na mandatni period od 4 (četiri) godine, sa mogućnošću reizbora.

Sekretar svoje poslove i zadatke može obavljati kao lice u radnom odnosu na određeno ili neodređeno vrijeme, u honorarnom statusu ili na drugi način u skladu sa Zakonom o radu o čemu odlučuje Skupština Saveza.

### **Član 38.**

Sekretar vrši sljedeće poslove i zadatke:

- zastupa Savez u pravnom prometu;
- priprema odnosno organizuje pripremu normativnih akata ili drugih materijala koji se razmatraju na sjednici Skupštine, njenim radnim tijelima, sjednicama Upravnog odbora i drugih organa Saveza;
- sprovodi i prati sprovođenje odluka Saveza;
- vodi brigu o zakonitom radu organa Saveza;
- izvršava odluke Saveza finansijskog karaktera;

- vodi poslove registracije klubova, biciklista, trenera, sportskih menadžera i ostalih članova Saveza;
- radi i druge poslove po ovlaštenju Upravnog odbora, u skladu sa Statutom.

## **VII PRAVILA ZA OSTVARIVANJE, UPOTREBU I RASPOLAGANJE SREDSTVIMA SAVEZA, KAO I TIJELO KOJE JE OVLAŠTENO ZA NADZOR NAD UPOTREBOM TIH SREDSTAVA**

### **Član 39.**

Prihodi Saveza su prije svega sljedeći:

- članarina;
- dobrovoljni prilozi i pokloni fizičkih i pravnih lica, kako inozemnih tako i domaćih, u gotovini, uslugama ili imovini bilo koje vrste;
- državne subvencije i ugovori sa fizičkim i pravnim licima, kako domaćim tako i inozemnim;
- prihodi od kamata, dividendi, dobiti od kapitala, zakupnina, honorara i sličnih izvora pasivnih prihoda;
- prihodi stečeni kroz ostvarivanje ciljeva i djelatnosti Saveza u skladu sa Zakonom i ovim Statutom;
- sredstva dobivena iz opštinskih, kantonalnih, federalnih i državnih izvora;
- drugi izvori u skladu sa Zakonom.

### **Član 40.**

Savez je dužan voditi evidenciju o imovini u skladu sa važećim propisima.

Savez je dužan da propisno vodi poslovne knjige u skladu sa općeprihvaćenim računovodstvenim principima i da sastavlja finansijske izvještaje u skladu sa Zakonom.

### **Član 41.**

Sredstva Saveza mogu se koristiti isključivo za ostvarivanje ciljeva i djelatnosti predviđenih Statutom.

### **Član 42.**

Ostvarivanje, korištenje i raspolaganje sredstvima Saveza utvrđuje se finansijskim planom, kojeg donosi Skupština, na prijedlog Upravnog odbora Saveza.

O upotrebi (korištenju) sredstava, u skladu sa finansijskim planom, odlučuje Upravni odbor.

### **Član 43.**

Nadzor nad upotrebom imovine i sredstava Saveza vrši Nadzorni odbor.

### **Član 44.**

Upravni odbor je dužan, najmanje jednom godišnje, podnijeti Skupštini izvještaj sa podacima o imovini Saveza, prihodima, rashodima i drugim pitanjima od značaja za raspolaganje imovinom i za finansijsko poslovanje Saveza.

### **Član 45.**

Imovinu Saveza čine novčana sredstva, stvari i prava koje Savez stiče u skladu sa Zakonom i ovim Statutom.

Za obaveze prema trećim licima, Savez odgovara cjelokupnom imovinom.

### **Član 46.**

Za obavljanje svih stručnih, administrativnih, knjigovodstvenih i drugih poslova, Upravni odbor nalazi mogućnosti i rješenja koja su u skladu sa Zakonom i principima racionalnog poslovanja. Radi izvršavanja određenih poslova Upravni odbor može angažovati odgovarajuća stručna lica, uz naknadu, a u skladu sa zakonom i mogućnostima Saveza.

## **VIII PRIZNANJA I NAGRADE**

### **Član 47.**

Savez može donositi odluke o dodjeli priznanja i nagrada Saveza.

Priznanja i nagrade može dodjeljivati Skupština, na prijedlog Upravnog odbora.

## **IX-INFORMISANJE I JAVNOST RADA SAVEZA**

### **Član 48.**

Rad Saveza je javan.

Organi Saveza su dužni da članovima Saveza, ovlaštenim predstavnicima sredstava informisanja i svim zainteresiranim učine dostupnim podatke, informacije i isprave koje se odnose na rad Saveza.

Predstavnici sredstava informisanja imaju pravo da prisustvuju sjednicama Skupštine i da izvještavaju o radu tog organa.

### **Član 49.**

Članovi Saveza imaju pravo da budu redovno informisani o radu svih organa Saveza.

Za informisanje članova Saveza zadužen je predsjednik Saveza.

## **Član 50.**

Izuzetno, opštim aktom koji donosi Upravni odbor može se utvrditi da pojedine informacije, podaci i isprave, predstavljaju poslovnu tajnu. Istim aktom mogu se utvrditi odgovorna lica za korištenje i zaštitu informacija koje imaju karakter poslovne tajne.

Za poslovnu tajnu ne mogu se odrediti podaci koji su javni po zakonu i drugim propisima, kao i podaci o kršenju zakona i drugih propisa.

## **X- ZASTUPANJE SAVEZA**

### **Član 51.**

Savez u pravnom prometu s trećim licima zastupaju predsjednik Saveza i generalni sekretar Saveza.

U postupcima u kojima Savez učestvuje kao stranka radi ostvarivanja svojih prava, dužnosti i odgovornosti pred nadležnim organima, zastupnici Saveza mogu dati pismenu punomoć za zastupanje advokatu ili drugom stručnom licu.

## **XI-TRAJANJE I PRESTANAK SAVEZA**

### **Član 52.**

Savez će trajati sve dok za to budu postojali zakonski uslovi ili dok Skupština ne doneše odluku o prestanku rada Saveza.

### **Član 53.**

Savez može prestati sa radom dobrovoljno ili po sili zakona.

Odluku o dobrovoljnem prestanku rada Skupština donosi dvotrećinskom većinom svih članova Saveza.

Inicijativu za prestanak rada Saveza može dati jedna trećina članova Saveza ili Upravni odbor, u slučaju:

1. ako je proteklo dvostruko više vremena od vremena utvrđenog Statutom Saveza za održavanje Skupštine, a Skupština nije održana,
2. u drugim slučajevima utvrđenim Zakonom i ovim Statutom.

Inicijativa se podnosi predsjedniku Upravnog odbora koji priprema materijal za Skupštinu.

### **Član 54.**

Savez prestaje sa radom po sili zakona, u skladu sa odredbama članova 51. i 52. Zakona.

Savez je obavezan svaku promjenu podataka upisanih u Registar, prijaviti nadležnom Ministarstvu u roku od 30 dana, od dana nastalih promjena.

### **XII-SPAJANJE I PODJELA SAVEZA**

### **Član 55.**

Savez se može spojiti ili podjeliti u drugo Udruženje u skladu sa Zakonom.

Odluku iz prethodnog stava donosi Skupština dvotrećinskom većinom svih članova Saveza.

### **XIII-PRAVILA ZA RASPODJELU PREOSTALE IMOVINE U SLUČAJU PRESTANKA RADA SAVEZA**

### **Član 56.**

Istovremeno sa odlukom o prestanku rada Saveza Skupština donosi plan likvidacije Saveza, kojim se utvrđuje raspored imovine, prava i obaveze Saveza.

Skupština imenuje likvidatora Saveza čija dužnost je da izradi plan likvidacije imovine Saveza.

Imovina kod raspuštanja Saveza, nakon izmirenja svih zakonskih obaveza, dodijelit će se nekom drugom udruženju koje obavlja iste ili slične djelatnosti, a na osnovu odluke Skupštine.

### **XIV-POSTUPAK ZA DONOŠENJE STATUTA, IZMJENA I DOPUNA STATUTA I DRUGIH OPŠTIH AKATA SAVEZA**

### **Član 57.**

Osnovni opšti akt Saveza je Statut Saveza.

Savez može donositi i druge opšte akte: pravilnike, odluke i poslovnike.

Opšti akti moraju biti saglasni Zakonu i Statutu Saveza.

Pojedinačni akti su odluke, rješenja, zaključci, uputstva i mišljenja.

### **Član 58.**

Na sastancima organa upravljanja i njegovim komisijama - odborima obavezno se sačinjavaju zapisnici.

Zapisnici moraju biti istiniti i moraju odražavati tok rada sastanka i sadržavati odluke koje su donijeli organi upravljanja na svojim sjednicama.

Zapisnici moraju biti potpisani.

Incijativu za izmjene i dopune Statuta može podnijeti svaki član Saveza.

Incijativa se podnosi Upravnom odboru, pismenim putem i sa odgovarajućim obrazloženjem.

Utvrđeni prijedlog dostavlja se Skupštini, najmanje 30 dana prije dana održavanja sjednice Skupštine.

### **Član 59.**

O izmjenama i dopunama statuta odlučuje Skupština nadpolovičnom većinom članova.

Predsjednik Skupštine potpisuje odluku o izmjenama i dopunama Statuta koji se smatraju originalima i čuvaju u arhivi Saveza.

## **XV REPREZENTACIJA**

### **Član 60.**

Radi i ostvarivanja najviših dostignuća u biciklističkom sportu, Savez uspostavlja nacionalne sportske ekipe u ženskoj i muškoj kategoriji (državne reprezentacije) koje mogu imati svoje direktore i selektore.

Savez stvara uslove za rad biciklističkih reprezentacija BiH iz stava 1. ovog člana.

Direktor reprezentacija sa nadležnim organima Saveza priprema plan i program rada reprezentativnih selekcija sa stručnjacima koji rade sa pojedinim selekcijama, prati njihove pripreme i rad i preduzima neophodne mjere.

Direktor reprezentacije predlaže Upravnom odboru selektora i trenera reprezentacije. Direktor predlaže finansiranja reprezentacija u toku jedne godine. Direktor odgovara za pružene rezultate odabranih selekcija i stručnog štaba.

## **Član 61.**

Selektora reprezentacije bira i razriješava dužnosti Upravni odbor,a na prijedlogi Direktora reprezentacije. Mandat selektora traje četiri (4) godine, u principu olimpijski ciklus. Djelokrug rada selektora bliže se uređuje Pravilnikom o radu sa selekcijama.

Selektor predlaže program rada selekcija u toku jedne godine ili olimpijskog ciklusa i podnosi Upravnom odboru na usvajanje.

## **XVI RJEŠAVANJA SPOROVA**

### **Član 62.**

Sporovi iz međusobnih odnosa svih subjekata u Savezu rješavaju se sporazumno ili putem arbitraže, odnosno putem organa Saveza.

### **Član 63.**

Sportska arbitraža Biciklističkog saveza Bosne i Hercegovine je stalna arbitražna inastitucija Biciklističkog saveza Bosne i Hercegovine, osnovana radi nezavisnog, nepristrasnog, samostalnog i hitnog arbitražnog rješavanja sporova u biciklističkom sportu.

Sportska arbitraža je nezavistan organizacioni dio Biciklističkog saveza Bosne i Hercegovine i u svom radu i odlučivanju je samostalna.

### **Član 64.**

Sportska arbitraža Biciklističkog saveza Bosne i Hercegovine odlučuje o svim sporovima u biciklističkom sportu, koji nisu u isključivoj nadležnosti redovnog suda ili u nadležnosti Stalne sportske arbitraže pri Olimpijskom komitetu BiH, odnosno u nadležnosti Stalnog sportskog arbitražnog suda pri Sportskom savezu BiH.

Nadležnost, sjedište, sastav i organizacija Sportske arbitraže, uslovi i način izbora i razriješenja, arbitražni troškovi i postupak iz njene nadležnosti bliže se uređuju Pravilnikom o radu Sportske arbitraže koju donosi Upravni odbor Saveza.

### **Član 65.**

Za arbitra može biti imenovano lice koje ispunjava slijedeće uslove:

- Da ima poslovnu sposobnost,
- Da je diplomirani pravnik,
- Da nije krivično kažnjavan.

Za arbitra ne može biti imenovano lice koje je član nekog organa Saveza, kao ni lice u vezi s kojim postoje drugi razlozi koji dovode u pitanje njegovu nepristrasnost.

Arbitar mora biti nepristrasan i nezavisan u odnosu na stranke i predmet spora.

## **XVII DISCIPLINSKI PRAVILNIK**

### **Član 66.**

Disciplinske mjere mogu biti izrečene za nesportsko ponašanje, povredu i prekršaj Statuta Saveza, Pravilnika ili odluka donesenih u skladu sa njima.

### **Član 67.**

Detaljan način podnošenja prijava, izricanja mjera, kao i način podnošenja žalbe biće definisan disciplinskim pravilnikom, koji donosi Upravni odbor Saveza.

## **XVIII EVIDENCIJA I ARHIVA SAVEZA**

### **Član 68.**

Upravni odbor obavezan je donijeti Pravilnik o evidenciji i arhivi Saveza.

### **Član 69.**

Evidencija Saveza mora, pored ostalog da sadrži matičnu knjigu u koju se unose podatci o:

- Spisku članova Saveza;
- Aktivnim članovima-sportistima u pojedinim selekcijama;
- Stručnim kadrovima;
- Donatorima i sponzorima;
- Profesionalno zaposlenim licima u Savezu;
- Članovima organa Saveza;
- Ostvarenim rezultataima na takmičenjima;
- I drugi podaci.

### **Član 70.**

Evidencija Saveza se vodi na propisanom obrascu koje donosi nadležna komisija koju imenuje Upravni odbor Saveza.

Članovi Saveza su obavezni da vode evidenciju o podacima koje zahtjeva Savez i dati ih na njegov zahtjev.

### **Član 71.**

Svaki takmičar-sportista mora se evidentirati u Savezu kako bi mogao učestvovati na takmičenjima koja organizuje Savez.

Evidencija takmičara–sportista, trenera će se vršiti na osnovu Pravilnika o evidenciji i arhivi Saveza.

## **XIX PRELAZNE I ZAVRŠNE ODREDBE**

### **Član 72.**

Skupština Saveza nadležna je za tumačenje odredbi ovog Statuta.

### **Član 73.**

Stupanjem na snagu ovoga Statuta, stavlja se van snage „Statut Biciklističkog saveza Bosne i Hercegovine“ koji je usvojen na Osnivačkoj Skupštini Saveza dana 08.07.2009. godine pod brojem: 02/09.

### **Članak 74.**

Ovaj Statut stupa na snagu danom njegovog donošenja, a primjenjivat će se od dana upisa u Registar Udruženja, kod nadležnog Ministarstva.

Broj: 02/14

**Predsjednik Skupštine Saveza**

Banja Luka, 30.10.2014.godine.

**Lipović Ermin**